

## 虚云老和尚年谱

原编辑：鼓山门下弟子顺德岑学吕宽贤

编校：隐名氏

予俗姓萧，系出兰陵，梁武帝之后，世居湖南湘乡。父玉堂，母颜氏，道光初年，父以举人出身，官福建，戊戌己亥间，任永春州知州。父母年逾四十，忧无后，母赴城外观音寺祈子，见寺宇残破，及东关桥梁失修，发愿兴建，父母同梦一长须著青袍者，顶观音跨虎而来，跃卧榻上，惊起互告，遂有娠。翌年父擢<sup>①</sup>泉州府知府。

道光二十年庚子一岁 一八四〇年

七月三十日寅时予诞生于泉州府署。初坠地，为一肉团，母大骇恟，以今后无复举子望，遂气壅<sup>②</sup>死。翌日有卖药翁来，为破之，得男，由庶母王氏抚育。

[是年大事] 鸦片战争起，清道光十九年（西历一千八百三十九年），粤督林则徐禁鸦片焚英商藏烟英国进兵广东。

① 擢（zhuó）：被举拔为……

② 壅（yōng）：堵塞；阻塞。

道光二十一年辛丑二岁

道光二十二年壬寅三岁

[是年大事] 江宁条约成，开五口岸通商。割香港给英国。

道光二十三年癸卯四岁

以上四年在泉州。

道光二十四年甲辰五岁

予父调任漳州府知府。

道光二十五年乙巳六岁

道光二十六年丙午七岁

是年在署试读，予不喜茹荤，随庶母吃观音斋。一日至南山寺进香，诣<sup>①</sup>大殿，见佛像庄严，瞪目仰视，恋不忍去，是予见佛僧之始，以上三年在漳州。

道光二十七年丁未八岁

予父调任福宁府知府。

道光二十八年戊申九岁

道光二十九年己酉十岁

以上三年在福宁府署幼学。

道光三十年庚戌十一岁 一八五〇年

父复回任泉州府，祖母周，年老，以予兼祧<sup>②</sup>继叔，为定二室。一田氏，一谭氏，二家皆湘籍宦于闽者，世交也。冬月祖母周氏去世，父丁忧开缺回籍守制。

---

① 诣 (yì): 前往; 到。

② 祧 (tiāo): 承继为后嗣。

[是年大事] 洪秀全起义于金田。

咸丰元年辛亥十二岁

二月予父以事往台湾，携予行。初乘小洋船，由厦门出发，于茫茫大海中，现一物大如山，高出海面数丈，全船人均合掌念观世音菩萨，船行半小时，始见鱼尾形，其长不知若干里也。

[是年大事] 洪秀全陷永安称太平天国天王。

咸丰二年壬子十三岁

予随父送祖母、生母灵柩，回湘乡安葬。请僧人至家作佛事，得见三宝法物，生欢喜心，家中藏有佛经，初看香山传，观音菩萨成道事，熏染于心。八月，随叔父蒲堂，进香南岳，遍游诸刹，若有夙缘，不欲回家，以畏叔严，不敢言。

咸丰三年癸丑十四岁

父窥予有出尘志，欲因势利导，留于家中，请一位先天大道王先生，教在家修行法，令看各种道书，及教内外气功，心弗善也，然又不敢言。冬父服阕<sup>①</sup>，付予属<sup>②</sup>叔父管教，自往福建，任厦门关事。

[是年大事] 洪秀全定都南京。曾国藩募湘军。

咸丰四年甲寅十五岁

咸丰五年乙卯十六岁

父任厦门关二年，调回泉州府任。

① 阕 (què): 事情完毕。

② 属 (zhǔ): 托付。

咸丰六年丙辰十七岁

予在家读道书三年，认为非极则事，如坐针毡，乃佯博叔父欢，助理家政，以懈其防。一日乘叔父外出，予念离家时至，乃打包回南岳去，岐路多，半途被截回，将予及从弟富国送至泉州。未久，父将田谭二氏接回，举行婚礼，将予禁锢，与二氏同居而无染，予为二氏说佛法，亦能领悟，见从弟富国有超俗之志，亦时与说法，闺中堂外，胥成净侣。

咸丰七年丁巳十八岁

[是年大事] 英法联军攻陷广东。

咸丰八年戊午十九岁

予决志离俗，从弟富国同此志。暗探福州鼓山路程，作皮袋歌一章，留别田谭二氏，与富国同逃至神州鼓山涌泉寺，礼常开老人，为披剃。

[是年大事] 英法联军攻陷大沽。天津条约成。

咸丰九年己未二十岁

予依鼓山妙莲和尚，圆受具戒，名古岩，又名演彻，字德清。时父在泉州，派人四出寻访。富国于圆具后，行脚参方，去后不知踪迹。予隐山后岩洞，礼万佛忏，不敢露面，时遇虎狼，亦不畏惧。

咸丰十年庚申二十一岁 一八六〇年

居山洞中礼忏。

咸丰十一年辛酉二十二岁

仍居山洞礼忏。

同治元年壬戌二十三岁

予以山洞礼忏，已满三年。一日鼓山职事来告，谓泉州萧太守，已告老还乡，汝可不必匿踪，妙老和尚称汝恒心苦行，但修慧还须修福，汝可回山任职，为众作务。予遂回山门，任职事。

[是年大事] 常胜军击攻太平军于上海。越南割南部支那与法国。

同治二年癸亥二十四岁

予任职鼓山。

同治三年甲子二十五岁

仍任职鼓山。冬十二月，闻父在湘乡原籍病故，从此不探问家事，断绝音书。

[是年大事] 洪秀全服毒死，太平天国亡。

同治四年乙丑二十六岁

仍任职鼓山。

同治五年丙寅二十七岁

有乡人来言，谓予父歿后，庶母王氏，领二媳出家为尼。王氏法名妙净，田氏法名真洁，谭氏法名清节（详见下宣统二年）。

予任职鼓山，已满四年，所当职务，自水头、园头、行堂、典座，皆苦行事，中间曾派**𦍋**<sup>D</sup>事，弗为也。即寺中常住，时有单亲，亦不领受，每日仅粥一盂，而体

<sup>D</sup> 𦍋 (hū) 事：指清闲的职务。

力强健。时山中有古月禅师，为众中苦行第一，时与深谈，既而自思，任职多年，修持不无少碍，又思昔日玄奘法师，欲求经西竺，于十年前，先习方言，日行百里，复试绝粒，先由一日起以至若干日，以防沙漠荒碛，绝水草也。古德苦行，有如此者，我何人斯，敢弗效法?!乃辞去职事，尽散衣物，仅一衲、一裤、一履、一蓑衣、一蒲团，复向后山中作岩洞生活。

同治六年丁卯二十八岁

住山洞中。

同治七年戊辰二十九岁

住山洞中。

同治七年己巳三十岁

住山洞。此三年中，居则岩穴，食则松毛，及青草叶，渴则饮涧水。日久裤履俱敝，仅一衲蔽体，头上束金刚圈，须发长盈尺，双目炯然，人望见之以为魅，怖而走，予亦不与人言谈。

初一二年，时见胜境，不以为异，一心观照及念佛。处深山大泽中，虎狼不侵，蛇虫不损，不受人怜，不食人间烟火，幕于席地，万物皆备于我，心中欢悦，自以为四禅天人也。夫世人之患，为口体耳，古人有所谓以一钵轻万钟者，我今并一钵而无之，无碍自在，因之胸次洒然，体力日强，耳目聪明，步履如飞，自问亦不自知其所以然。后一年，乃随心所欲，随意所之，有山可住，有草可食，行行重行行，不觉又一年矣。

同治九年庚午三十一岁 一八九〇年

一日行至温州某山，栖息岩中，一禅人访至，顶礼问曰：“久闻高行，特求开示。”被伊一问，深感惭愧，乃曰：“智识愚昧，少所参学，望上座慈悲指示。”曰：“你如是行径，有多少年？”乃告以经过。曰：“我亦少有参学，不能与汝说。你可到天台华顶龙泉庵，请问融镜老法师，他是天台第一有道德者，必能饶益汝也。”

予直上华顶，至茅庵外，见一僧，问老法师在否，答：“补衣的是。”即近前顶礼，法师全不顾礼，曰：“学人特来亲近老师师，望祈垂慈。”师顾视良久，曰：“你是僧耶，道耶，俗耶？”答曰：“僧。”问：“受戒否？”答：“已受具。”问：“你这样，试有多久？”予略述经过。问：“谁教你如此做？”答：“因见古人每多苦行成道，故此想学。”问：“你知道古人持身，还知道古人持心否？观你作为，近于外道，皆非正路，枉了十年功夫！岩栖谷饮，寿命万年，亦不过如楞严十种仙之一，去道尚远。即进一步，证到初果，亦不过自了汉耳，若菩萨发心，上求下化，自度度人，出世间不离世间法。你勉强绝粒，连裤子都不穿，未免显奇立异，又何怪功夫不能成片呢？！”予被老人痛处一锥，直透到底，复顶礼求开示，师曰：“我教你，若听，在这里住，不听任去。”曰：“特来亲近，焉敢不听！”师即赠以衫裤衣履，令剃发沐浴，作务去，并教看“拖死尸是谁”的话。予从此试粥试饭，及学天台教观，勤劳作务，得师嘉许。

同治十年辛未三十二岁

在龙泉庵侍融镜法师，时有启发，法师年已八十余，精严戒律，宗教并通，令予多参讲座，以利游方。

同治十一年壬申三十三岁

奉老法师命，往国清寺参学“禅制”，至方广寺习《法华》。

同治十二年癸酉三十四岁

同治十三年甲戌三十五岁

以上二年，在国清寺习经教。时往茅庵伴镜老人。

光绪元年乙亥三十六岁

至高明寺听敏曦法师讲《法华经》毕，辞别镜老法师，不无依恋，谈数夕，珍重而别。下山经雪窦<sup>①</sup>，到岳林寺，听《弥陀经》毕，渡海朝普陀山，在后寺度岁。

住普陀时，遍参各寺刹。是年十月，潮来一大鱼，在千步沙上，不能去，长数十丈，眼大如盆。渔人取肉，破出两只小木船，有发及钗钏等物，以鱼脊骨作柱墩，其大骨可作栋梁。又大潮时于潮阳洞来一龙，鳞甲作金光色，四足全身皆现，惟不见首，其尾似鱼尾，久之乃去。

光绪二年丙子三十七岁

由普陀回宁波，至阿育王寺，寄火食。三元一月，拜舍利二藏，以报父母劬<sup>②</sup>劳之恩。至天童寺，听讲

---

① 窦：孔、洞

② 劬：(qú)劳；劳苦。



《楞严宗通》。

光绪三年丁丑三十八岁

自宁波至杭州，朝三天竺，及各处圣境，于半山礼天朗和尚，及长松西堂。在西天目过冬。当予自宁波至杭途中，时际三伏，船小人多，无奈与青年妇女卧铺相连。夜深熟睡，有抚摩予体者，惊醒，见邻女卸<sup>①</sup>衣相就，予不敢声，急起趺坐，持咒，女亦不敢动，斯时倘失觉照，败矣。勉诸修行人，不可不慎也！

光绪四年戊寅三十九岁

至天宁寺，礼清光和尚，在寺过冬。

光绪五年己卯四十岁

至焦山，礼大水和尚。时彭玉麟宫保督水师驻此，曾邀予数次谈论佛法，及修行途径，深生敬信。

[是年大事] 日本并琉球。

光绪六年庚辰四十一岁 一八八〇年

至金山寺亲近观心和尚、新林大定等和尚，禅坐过冬。

光绪七年辛巳四十二岁

至扬州高旻寺，礼月朗和尚。是年在高旻过冬，禅功尤进。

光绪八年壬午四十三岁

予割爱辞亲，出家二十余年矣，道业未成，随风飘

① 卸：(què) 解下；脱下。

荡，心生惭愧，欲报劬劳，拟再东朝南海，北礼五台。住普陀数月，静中稍见胜境，发心朝台，于七月初一日由普陀法华庵起香，三步一拜，以直拜至五台为止。时附香者，有遍真、秋凝、山遐、觉乘等四禅人。渡海后，每日行路不多，中间曾停湖州，及至苏州常州，四人渐皆退去。予仍向前拜，至南京礼牛头融祖塔。渡江，止浦口狮子山寺，过年。

[是年大事] 法据安南东京湾。

光绪九年癸未四十四岁

由狮子山起香，从苏北入河南省，经凤阳亳州、昊陵、嵩山、少林寺，至洛阳白马寺。晓行夜宿，风雨晦明，如是行，如是拜，一心念菩萨圣号，苦乐饥饱，不萦<sup>①</sup>念矣。腊月至黄河铁卸渡（又名铁谢），过光武陵，初一住店，初二渡河。泊岸，天已晚，不敢行，四无人烟，于路旁有一摆小摊之茅棚，亦无人居，歇足此间，跌坐而坐。夜寒甚，大雪漫漫，次早举目一望，化为琉璃世界，雪深盈尺，无路可行，过往无人，更不知去向。先则枯坐念佛，饱受饥寒，因草棚并无遮栏，蜷伏一角，既而雪愈大，寒愈甚，腹愈饥，仅存一息，而正念不忘。一日，两日，三日，如是雪，如是寒，如是饥，渐入迷态。初六午后，雪止，微见日影，然已病莫能兴<sup>②</sup>矣。初七日来一丐者，见予卧雪中，致问，予亦不能言。知

① 萦（yīng）：缠绕，盘绕。

② 兴：起，起身。

是冻伤，将雪拨开，以围棚草烤火煮黄米粥，令食，得暖气复生。问：“何来？”曰：“南海。”问：“何去？”曰：“朝五台。”我问丐者贵姓名，曰：“姓文名吉。”问：“往何处？”曰：“来自五台，回长安去。”问：“既是五台，寺中有来往否？”丐曰：“人皆识我。”问：“此往五台，路经何处？”曰：“由孟县、怀庆、黄沙岭、新州、太谷太原省、代州、峨口即到山。若先到秘魔岩，此处有南方僧名清一者行持甚好。”予问：“由此到山多少程？”丐曰：“二千零。”及至天晴，丐煮黄米粥，取雪代水，丐指釜中问：“南海有这个么？”予曰：“无。”丐曰：“吃什么？”曰：“吃水。”釜中雪溶后，丐指釜中水曰：“是什么？”予无语。丐曰：“你拜名山何求？”，予曰：“生不见母，以报亲恩。”丐问：“你背负行李，路远天寒，何时能达？！劝你不必拜香了。”予曰：“誓愿早定，不问年月远近也。”丐曰：“你愿难得，现今天气好转，雪尚未化，无路可寻。你向我来的足迹行去罢，此去二十里有小金山，再二十里孟县，有寺可住。”遂揖别，因雪深不能拜，顾礼足迹，抵小金山挂单。翌日起香过孟县，由孟县至怀庆（沁阳）途中将到洪福寺，有一老者名德林，见予在路拜香，近前将香凳接着，曰：“请上座进寺。”唤徒将行李搬入寺，殷勤招待，茶饭后，问：“上座由何处拜起？”略述为报亲恩由普陀拜起至此，已两年矣。谈次知予出家鼓山，老者不觉下泪曰：“我有同参三人，一衡阳，一福州，三人相伴朝山，同住林下三十年，后各

分手回家，消息断绝。今闻上座湘音，又是鼓山佛子，恍如见我同参，不觉动念。我今年八十五矣，本寺原甚丰富，近岁稍歉，此场大雪，明年必丰收，上座可留住这里。”至诚恳切，勉留在寺过年。

光绪十年甲申四十五岁

正月初二日由洪福寺起拜香，抵怀庆府，复回寺寄宿。初三告别德林老人，大哭不舍，珍重后期而别。是日到府，城内小南海不许挂单及留宿，即出城外宿路边。是夜腹痛极剧，初四早仍拜行，晚发冷病，初五起痢疾，每日仍勉强拜，至十三日抵黄沙岭。山顶只一破庙，无遮蔽。至此已不能行，歇下，不进饮食，日夜泻数十次，起动无力。庙在山顶，无过往行人，瞑目待毙而已，无悔念也。十五深夜见西边墙下有人燃火，疑为匪类，细看久之，见是文吉，心中大喜，呼文先生，彼执火来照曰：“大师父你怎么还在这里？”予将经过向伊说，文即坐身边安慰我，拿来水一杯给我吃。是夕得见文吉，身心清静。

十六日，文吉将予之污秽衣服换洗，并给一杯药与予吃。十七病退，食黄米粥二碗，大汗，内外轻快。十八病愈，予谢文吉曰：“两次危险，都蒙先生救济，感恩不尽！”文曰：“此小事。”问文：“从何处来？”曰：“长安。”问：“何去？”曰：“回五台。”予曰：“可惜我在病，又是拜行，不能追随先生。”文曰：“看你从去腊到今，拜路不多，那年能到？！你身体又不好，决难进行，不必

定拜，朝礼亦是一样。”予曰：“先生美意可感，但我出世不见母亲，母为生我而死。父仅得我一子，我竟背父而逃，父因我而辞官，而促<sup>①</sup>寿。昊天罔极，耿耿数十年矣，特此发愿朝山，求菩萨加被，愿我父母脱苦，早生净土。任他百难当前，非到圣境，死亦不敢退愿也。”文曰：“你诚孝心坚固，也算难得。我今回山，亦无甚急事，我愿代你负行李，伴送行程。你但前拜，轻累许多，心不二念。”予曰：“若能如此，先生功德无量！倘我拜到五台，愿以此功德，一半回向父母，早证菩提，一半奉送先生，以酬救助之德，如何？”文曰：“不敢当。你是孝思，我是顺便，不必表谢。”文吉在此照应四日，病已大退。

十九日扶病起香，从兹荷物作食，都由文负担。予妄想顿息，外无物累，内无妄念，病亦日愈，体亦日强，辰旦至暮，可拜行四十五里，亦不觉苦。至三月底到太谷县难相寺，住持参学林下，见知客礼毕，顾文吉问予曰：“这位是你什人？”告以故。知客厉声曰：“出门行脚，不达时务。这几年北地饥荒，朝什么山。什么大老官，要人服侍，欲想享福，何必出门？！你见何处寺门，有俗人挂单？”当下听其呵责，不敢回声，予认错告辞。知客曰：“岂有此理！由你自便，谁叫你来！”予听话头不对，即转过话说：“这位文先生，请到客店住，我在此

① 促：减；缩短。

打扰一单何如？”知客曰：“可尔。”文曰：“此去五台不远，我先回去，你慢慢来。你的行李，不久有人代你送上山的。”予苦留不得，取银酬伊，不受，辞去。后知客改颜悦色，和气送单，到灶房热坑上茶，亲做面，陪吃。奇其举动，又顾左右无人，问曰：“此间常住多少众？”曰：“我在外江多年，回来住持，连年岁荒，仅留得我一个，粮亦止此，适才举动，是游戏耳，幸勿见怪。”予十分难过，啼笑皆非，勉吃面半碗，即行告辞，彼留亦无心答应也，遂到街上旅店找文吉无着。时四月十八，夜月正明，予欲追文吉，星夜向太原府拜香前进。心急起火，次日脑热，鼻流血不止。二十日到黄土沟白云寺（此寺为孚上座道场），知客见予口流鲜血，不准挂单，勉强过一夜。二十一早进太原城，至极乐寺，饱受责骂，不挂单。二十二早出城礼拜，北门外遇一青年僧，名文贤，见予近前招呼，接过拜凳行李，请进寺内，爱敬如亲，领到方丈，陪茶饭。谈次予问：“大和尚似廿余岁，又是外省人，何以在此住持？”曰：“我父亲在此做官多年，后在平阳府任上，被奸臣所害，母亦气殒，我含泪出家。此间官绅旧有往还，故邀至此，早想摆脱，今瞻上座道风，心甚倾服，请在这里长住亲近。”予告以愿拜香缘由，住持甚敬信，坚留十日乃放行。送衣物旅费，予概弗受。临别代携<sup>①</sup>拜凳相送十余里，洒泪而别。时

<sup>①</sup> 携：(xié) 提着。

五月初一日也，予向忻州前進。一日早在途中拜香，后面來一馬車，緩行不越前，予覺避之，車中官人下車，問：“大師在路拜什麼？”告以故。官人亦湘人也，談甚暢洽，彼曰：“若此，我現住峨口白雲寺，你朝台必經之地，你之行李，我代你先送到。”予感謝之，上車迳去。仍是每日拜香，別無延誤，五月中到白雲寺。代送行李者，即該營官也，見予歡迎至營部，優待。休息三日，告辭，送路費禮物不受，彼另派兵將行李銀物迳送顯通寺。予起香到圭峰山秘魔岩、獅子窩龍洞等處，山水奇踪，說之不尽，予以拜香故，未能領略也。五月底至顯通寺，兵弁已將行李送來，下山去矣。

到顯通住下。先到附近各刹進香，遍問文吉其人，無有知者，後與一老僧說及情由，老僧合掌曰：“文殊菩薩化身也。”予即頂禮謝。二十二日起香，兩日拜至東台頂，月朗星輝，進石室上香，在室內朝夕禮誦，禪坐七日。下台拜那羅延窟，裹糧已盡，六月初一日回顯通寺。初二起香，上華嚴嶺，過夜。初三拜北台，在中台過夜。初四拜西台，過夜。初五回顯通寺。初七拜南台，在南台打七。十五下台回顯通寺，參加六月大佛會，至是為超生父母，拜香三年願畢。

此三年中，除為疾病所困，風雪所阻，不能拜香外，一心正念。禮拜途中，歷盡艱難，心生歡喜。每每籍境驗心，愈辛苦處，愈覺心安，因此才悟古人所謂：“消得一分習氣，便得一分光明。忍得十分煩惱，便証少分菩

提。”

又于中途所历诸名胜，自普陀而江浙、而中州、而黄河、而太行胜地名山，说之不尽。古今游记，言之甚详，然不及身历其境者之为快。若五台为清凉圣境，文殊放光、千丈寒岩、万年积雪、石桥横锁、楼阁悬空，则非他处所及。予以拜香期内，不及观赏，还愿已毕稍为涉足，不欲山灵笑也。

大会圆满，上大螺顶，拜智慧灯。第一夜无所见，二夜见北台顶一团火，飞往中台落下，少顷分为十余团，大小不一。第二夜又见中台空中三团火，飞上飞下，北台现四五处火团，亦大小不同。

七月初十日，拜谢文殊菩萨下山。由华严岭向北行，至大营浑源南境，朝北岳恒山。至虎风口，直上，有朔方第一山石坊，诣庙云级插天，穹碑森立，进香下山。至平阳府（临汾）朝南北仙窟，城南有尧庙，甚壮丽。南至蒲州（晋西南）卢村，礼汉寿亭侯关庙。渡黄河，越潼关，入陕西境。至华阴，登太华山，礼西岳华山庙，所经攀锁上千尺幢，百尺峡及老君犁沟，名胜甚多，留八日。慕夷齐之圣，游首阳山。至陕境西南香山观音寺，观庄王坟。入甘肃境，经泾川平凉等，至崆峒山，岁云暮矣，回香山过年。

光绪十一年乙酉四十六岁

春，离香山，西出大庆关，入陕境。经耀州三原，至咸阳，观召伯甘棠树。至长安，城垣雄伟，古迹甚多。



城内慈恩寺内大雁塔，浮屠七级，有唐代以下题名碑、大秦景教碑、府学宫前为碑林，有七百余种；城东为灞<sup>①</sup>桥，环有七十二孔，桥亭折柳，有阳关三叠处；至华严寺礼杜顺和尚塔、清凉国师塔；至牛头寺兴国寺礼玄奘法师塔。到终南山东五台、响鼓坡、宝藏寺、白水浪，此处有两圣僧隐此；到嘉五台银洞子五祖窑。

至南五台，晤觉朗、冶开、法忍、体安、法性诸上人，在此结茅庵，留予同住。法忍住老虎窝，冶开居舍龙椿，法性住湘子洞，予与觉朗、体安同住大茅蓬。

三月初一日早殿后，忽见群星乱飞，天帚星现，久之始没，不知何兆也。

[是年大事] 去年中法战事起，本年和约割安南属法。

光绪十二年丙戌四十七岁

[是年大事] 英并缅甸。设台湾省。

光绪十三年丁亥四十八岁

以上两年余，在南五台茅蓬，与诸师同参究，甚有饶益。

二月下山至翠微山，礼皇裕寺、青华山。后安山净业寺，礼宣祖塔。至草堂寺，礼鸠摩罗什法师道场。游太白山，高一百八里，六月始溶雪，至二板寺大板寺，上大龙池顶，水分四流，经子午镇。至汉中府（即南郑）

① 灞：水名，灞河，渭河支流，在陕西省中部。